

gustav / February 24, 2020 10:34AM

[5.1 \[真心何在?\] 維摩詰與魔王波旬鬥法 《維摩詰所說不可思議解脫經卷上菩薩品第四》](#)

5.1 [真心何在?] 維摩詰與魔王波旬鬥法 《維摩詰所說不可思議解脫經卷上菩薩品第四》

[0543a09] 佛告持世菩薩：「汝行詣維摩詰問疾。」

[0543a10] 持世白佛言：「世尊！我不堪任詣彼問疾。所以者何？憶念我昔，住於靜室，時魔波旬，從萬二千天女，狀如帝釋，鼓樂絃歌，來詣我所。與其眷屬，稽首我足，合掌恭敬，於一面立。我意謂是帝釋，而語之言：『善來憍尸迦！雖福應有，不當自恣。當觀五欲無常，以求善本，於身命財而修堅法。』即語我言：『正士！受是萬二千天女，可備掃灑。』我言：『憍尸迦！無以此非法之物要我沙門釋子，此非我宜。』所言未訖，時維摩詰來謂我言：『非帝釋也，是為魔來燒汝耳！』即語魔言：『是諸女等，可以與我，如我應受。』魔即驚懼，念：『維摩詰將無惱我？』欲隱形去，而不能隱；盡其神力，亦不得去。即聞空中聲曰：『波旬！以女與之，乃可得去。』魔以畏故，俛仰而與。

[0543a25] 「爾時維摩詰語諸女言：『魔以汝等與我，今汝皆當發阿耨多羅三藐三菩提心。』即隨所應而為說法，令發道意。復言：『汝等已發道意，有法樂可以自娛，不應復樂五欲樂也。』天女即問：『何謂法樂？』答言：『樂常信佛，樂欲聽法，樂供養眾，樂離五欲；樂觀五陰如怨賊，樂觀四大如毒蛇，樂觀內入如空聚；樂隨護道意，樂饒益眾生，樂敬養師；樂廣行施，樂堅持戒，樂忍辱柔和，樂勤集善根，樂禪定不亂，樂離垢明慧；樂廣菩提心，樂降伏眾魔，樂斷諸煩惱，樂淨佛國土，樂成就相好故，修諸功德；樂嚴道場；樂聞深法不畏；樂三脫門，不樂非時；樂近同學，樂於非同學中，心無恚礙；樂將護惡知識，樂親近善知識；樂心喜清淨，樂修無量道品之法。是為菩薩法樂。』

[0543b12] 「於是波旬告諸女言：『我欲與汝俱還天宮。』諸女言：『以我等與此居士，有法樂，我等甚樂，不復樂五欲樂也。』魔言：『居士可捨此女？一切所有施於彼者，是為菩薩。』維摩詰言：『我已捨矣！汝便將去，令一切眾生得法願具足。』於是諸女問維摩詰：『我等云何，止於魔宮？』維摩詰言：『諸姊！有法門名無盡燈，汝等當學。無盡燈者，譬如一燈，燃百千燈，冥者皆明，明終不盡。如是，諸姊！夫一菩薩開導百千眾生，令發阿耨多羅三藐三菩提心，於其道意亦不減盡，隨所說法，而自增益一切善法，是名無盡燈也。汝等雖住魔宮，以是無盡燈，令無數天子天女，發阿耨多羅三藐三菩提心者，為報佛恩，亦大饒益一切眾生。』爾時天女頭面禮維摩詰足，隨魔還宮，忽然不現。世尊！維摩詰有如是自在神力，智慧辯才，故我不任詣彼問疾。」

引自：

中華電子佛典學會CBETA《漢文大藏經》，標點符號分段照引

參考資料：

不受魔王供養的持世菩薩 2014-07-25 | 慈濟基金會：

<http://www.tzuchi.org.tw/%E8%AD%89%E5%9A%B4%E4%B8%8A%E4%BA%BA/%E6%B3%95%E9%9F%B3%E5%AE%A3%E6%B5%81/%E4%B8%8A%E4%BA%BA%E8%AA%AA%E6%95%85%E4%BA%8B/item/4749-%E4%B8%8D%E5%8F%97%E9%AD%94%E7%8E%8B%E4%BE%9B%E9%A4%8A%E7%9A%84%E6%8C%81%E4%B8%96%E8%8F%A9%E8%96%A9>

---

s07190056 / July 03, 2020 06:17PM

[-請刪除此貼-](#)

-已刪除-

抱歉，發錯文了。

Edited 3 time(s). Last edit at 07/03/2020 06:21PM by s07190056.

---